

sem holræsi er lagt í, að greiða holræsagjald til hreppsins, kr. 25.00 árlega, af hverju húsi og auk þess gjald, sem miðast við fasteignamat húsanna, sem hér segir: 130 16. sept.

Af fyrstu kr. 5000.00 greiðist 5 ‰

Af næstu kr. 5000.00 greiðist 3 —

Af því, sem þar er fram yfir, greiðist 1,5—

Gjöld þessi getur hreppsnefndin hækkað eða lækkað eftir ástæðum um allt að 25 %.

4. gr.

Húseigendum ber að greiða holræsagjaldið og bera þeir einir ábyrgð á greiðslu þess. Holræsagjaldið má taka lögtaki og er það tryggt með lögveði í eigninni í næstu 2 ár eftir gjalddaga með forgangsrétti fyrir hvers konar sammingsveði og aðfararveði. — Gjaldtagi holræsagjaldsins er 15. júlí ár hvert.

5. gr.

Brot gegn reglugerð þessari varða sektum, allt að kr. 200.00, nema þyngri refsing liggi við samkvæmt lögum. — Með mál út af brotum á reglugerð þessari skal farið sem almenn lögglumál.

Reglugerð þessi staðfestist hér með samkvæmt lögum nr. 15 20. júní 1923, til að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 16. september 1944.

Björn Þórðarson.

Gunnl. E. Briem.

Staðfesting forsetans á skipulagsskrá fyrir „Minningarsjóð Halldóru Snorra- dóttur“, útgefin á venjulegan hátt að mandatum af dómsmálaráðherra 18. sept. 1944. 131 18. sept.
Skipulagsskráin er þannig:

SKIPULAGSSKRA

fyrir Minningarsjóð Halldóru Snorradóttur.

1. gr.

Sjóðurinn heitir Minningarsjóður Halldóru Snorradóttur, og er stofnaður til minningar um hana, en hún var fædd 10. febr. 1841 að Arnarholti í Biskupstungum, þar sem hún ólst upp í föðurgarði, og bjó síðan þar til eiginmaður hennar féll frá. Hún andaðist að Höfða 12. nóvember 1932 á heimili sonar síns, Víglundar bónda Helgasonar, þá blind orðin fyrir mörgum árum.

2. gr.

Stofnfé sjóðsins er 3050 — þrjú þúsund og fimmtíu — krónur frá samtiðar- mönnum og rættingjum Halldóru, sem gefa það til minningar um hina látnu konu. Tekjur sjóðsins eru, auk tilfallandi vaxta árlega, gjafir og áheiti, er honum kunna að áskotnast.

3. gr.

Tilgangur sjóðsins er að styrkja blint og aldrað fólk í Biskupstungnahreppi.

131

18. sept.

4. gr.

Stjórn sjóðsins skipa á hverjum tíma:

1. presturinn í Torfastaðaprestakalli, sem persónlega sjálfur afhendir styrkþegum það, sem þeir fá úr sjóðnum í hvert sinn;
2. héraðslæknirinn;
3. elzti afkomandi Halldóru Snorradóttur, sem á hverjum tíma á heima í Biskupstungnahreppi eða sá, sem hann felur umboð sitt. En verði einhverju sinni ekki völ neins afkomanda hennar, þá kjósi prestur og héraðslæknir konu, búsetta í sveitinni, í stjórn sjóðsins með sér.

5. gr.

Sjóðinn skal ávaxta í Söfnunarsjóði Íslands. Þó er stjórn hans heimilt að geyma hann í vel tryggðum ríkisskuldabréfum, enda sé að því sýnilegur vaxtahagnaður.

6. gr.

$\frac{1}{3}$ vaxta sjóðsins leggist ávallt við stofn hans, en $\frac{2}{3}$ má á hverju ári veita blindu fólki til styrktar og glaðnings. En komi það fyrir, að um engan blindan styrkþega verði að ræða í hreppnum eða úthlutunarupphæðin svo há, að stjórn sjóðsins telji óþarft að láta hana alla ganga til þeirra, er 3. gr. ræðir um, þá má hún styrkja með slíku umframfé blint fólk, þó annars staðar eigi heima, en þá sérstaklega þá, sem áður hafa átt heima í Biskupstungum.

7. gr.

Aldrei má nota fé sjóðsins til greiðslu á sveitarstyrk né til þess að koma í stað hans.

8. gr.

Stjórn sjóðsins ber ábyrgð á honum og annast reikningshald hans, en endurskoðun þess heyrir undir sjúkratryggingu (sjúkrasamlag) Biskupstungnahrepps.

Leita skal staðfestingar forsetans á skipulagsskrá þessari og birta hana í B-deild Stjórnartíðindanna.

Laugarási, 30. júlí 1944.

Eiríkur Þ. Stefánsson,
sóknarprestur í Torfastaðaprestakalli.

Ólafur Einarsson,
héraðslæknir.

Guðrún Víglundardóttir,
Höfða.

132

18. sept.

Staðfesting forsetans á skipulagsskrá fyrir „Minningarsjóð Guðmundar Jónssonar og Sigríðar Gísladóttur frá Purkey“, útgefin á venjulegan hátt að mandatum af dómsmálaráðherra 18. september 1944.

Skipulagsskráin er þannig:

SKIPULAGSSKRÁ

fyrir Minningarsjóð hjónanna Guðmundar Jónssonar og Sigríðar Gísladóttur frá Purkey.

1. gr.

Sjóðurinn heitir Minningarsjóður Guðmundar Jónssonar og Sigríðar Gísladóttur frá Purkey.